


Iroun Beretitenti  
Henry B. Eyring

Moani Kauntira n te  
Moan Beretitentii



# Weteaki iroun te Atua ao ni Kamatoaki irouia Aomata

**N**gkai ngaira membwa n te Ekaretia, ti aki toki ni kaoaki bwa ti na kamatoaia aomata n nakoia ake a weteaki iai. Tabeua te ririki n nako temanna ataein te reirei ae 18 ana ririki e kaotia nakoiu nanon katabuan ana toro te Uea. I teimatoa ni kak-abwaiaki man te katooto aei.

E a tibwa moana ana moan ririki n te reirei ae rietata. E aki koro ana ririki ngke e bwabetitoaki imwain ae kitana mweengana ni moana ana reirei n te iuniwetiri ae rietaata. I riki bwa ana bitiobi n te iuniwetiri.

Ngke e a waaki te reirei, e reke au tai ni maroro ma ngai a n ana aobiti te bitiobi. I uringa teutana te moan ni maroro anne e taekina ana kanganga n ana tabo ae boou, ma n na bon aki maninga taekan ara kauoua ni maroro.

E tuangai bwa e na kawarai n au aobiti. I rangin ni kubanako ngke e kangai, "Ti kona ni uaia n tataro, ao I kona ni karaoa te tataro?" I kuri n taekinna ae I a tia n tataro ao ni kantaninga naba bwa e a tia naba. Irarikina I kariaia.

E moana ana tataro ma te koaua are e ataia bwa te bitiobi e rineaki iroun te Atua. E tuanga te Atua bwa e na tuangai te bwai ae na karaoia n te bwai ae onrake n te tamnei. Te ataenimwaane e tuanga te Atua bwa e ataia raoi bwa te bitiobi e ataa kainnanona ao e na

tuangaki te bwai ae kainnanoia bwa e na ongo.

Ngke e taetae, kabuanibwai aika e na kaitarai a roko n au iango. Te reirei e bebete ma e rangin ni matata aron taekinana: tataro n tainako, karinei taian tua, ao tai maaku.

Te ataenimwaane anne, teuana ana ririki n te Ekaretia, e reireinaki n te katooto tera ae kona ni karaoia te Atua nakon te tia kairiiri ngke e katabuaki man aia onimaki ao aia tataro naake e weteia bwa ana riki bwa taan kairiiri. Te ataenimwaane anne e karaoia ibukiu mwaakan iango aika bwainaki n te Ekaretia (taraa D&C 26:2). Engae ngke e weteia Ana toro te Uea n te kaotioti, a kona ni waaki ti ngkana a tia ni katabuaki irouwia naake a tia ni weteaki bwa ana beku.

Ti karaoi berita aika a korakora, ngkana ti anga ara rinerine ni kamatoa. Ti berita n tataro ibukiu ana toro te Uea bwa E na kairiia ao ni kakorakoraia (taraa D&C 93:51). Ti berita bwa ti na taratarai ao ni kantaningai n namakina ana kaunganano mai iroun te Atua n aia kauntira ao n taai ake a karaoi iai weteakia (taraa D&C 1:38).

Te berita anne e na kainnanoia ni kabouaki inanora n tainako. Ami tia reirei n Tabati e na kataia n reirei man te Tamnei, ma tii ngkana ko kona ni karaoia, am tia reirei e kona ni karaoi kairua imatan te kiraati. Ngkoe, n arona, ko kona ni baireia n ongora ao ni mataku ibukiu te tai ngkana ko namakina rokon te kaunganano. N te taina

ko na ataia bwa kairua aika a uarereke ao e mwaiti riki kokoaua bwa te Atua e kamatoa te tia reirei anne.

Ngkai ti katei bai ni kamatoa te aomata, ti kabaeira nakon te mwakuri ibukin are e kantanningaia te Uea bwa te aomata e weteaki bwa e na katia. Ngke a uarereke natira, kainnabau e weteaki bwa e na reireiniia ataei aika uarereke n ara uoote. I aki tii kateibai ni kamatoa, ma I tataro naba ibukina ao imwiina ni bubuti bwa e na buokaki. Te reirei are I karekea n te kakaitau ibukin are a karoia aine ao ana tangira te Uea ibukiia ataei e bon kakabwaia naba au utu ao maiu.

I tibwa taetae ma te kairake n ataeinimwaane are e kamatoa ana bitiobi n ririki aika nako. I reiakinna bwa te Uea ao aomata a tia ni kamatoa ni weteana bwa te mitinare, bwa te titeiki beretitenti, ao ngkai te karo. E taku ni motin ara marooro, “I bon tataro naba ibukim ni katoabong.”

Ti kona n nanomatoa n tataro ni katoabong ibukin wetean temanna iroun te Atua bwa e na beku ibukira. Ti kona ni karabwa temanna are e a tia ni kakabwai-aira man ana mwakuri. Ti kona ni baireia n anganano ngkana temanna are ti a tia ni kamatoa e bubuti ibukin te anganano.<sup>1</sup>

Naake a tabekiarake ana toro te Uea n Abanueana a na kamatoaaki ni mwaakana ae akea kabotauana. Ti bane ni kainnanoa te kakabwaia anne.

#### BWAII AIKA A NA TAAKI

1. Taraa *Reirei mairouia Beretitenti n te Ekaretia: Joseph F. Smith* (1998), 211–12.

#### ANGA REIREI MAN TE RONGORONGO AEI

Imwiin tibwakin te rongorongo, iangoa warekan marooro aikai: “Te Uea e na karikiko bwa Ana tabonibai ngkana ko nanorinano, kakaonimaki, ao ni mwakuri korakora. . . . Ko na karekea reitan te korakora ngkana ko kamatoaaki irouia kain te taromauri ao ni kata-buaki *Teaching, No Greater Call* [1999], 20). Karekeia kain te utu bwa a na katobibii te bwai ae tinebu ao

tuanga temanna bwa e na kataia n tabekia. Karakaa temanna riki te aomata ni katoa tai, kaoia kain te utu ake tabeman bwa a na buokia n tabeka te bwai anne. Maroroakinna bwa tera ae riki ngkana ni kabane a ibuobuoki. Iangoa kabwarabwaraan ana reirei Beretitenti Eyring ni kawai ake ti kona ni karoai ni kamatoaia tabeman n weteakiia.

## RORONRIKIRAKE

### Kakaitau nakon Au Tia Reirei n Tabati Te Ara e tauaki

**A**u kiraati n te Reirei n Tabati e aki karinerine n tain-ako. I tatangiria n ongora nakon te reirei ni katoa wiiki, ma n tabetai e taraa n ae tabeman n au kiraati aki. N tabetai a marooro imarenaia ke n takakaro iaon bwaai aika maiu man te iti ngkai ara tia reirei e kataia n reireiniira. Te kananokawaki, n tabetai I kunea bwa ngai mwakoron te kanganga.

Teuana te wiiki ti a buakaka riki nakon are mai imwaina, ao n tokin te kiraati, ara tia reirei e a waanako rannimatana ibukina bwa akea ae kona ni kakauongo nakon ana reirei. Ngke ti otinako man te umwanreirei, I a nanoangaia.

Te Tabati are imwiina ara tia reirei e kamatata bwa e a tia ni kabatia ana tataro n te wiiki anne, n ukoukora te kairiri, ao e kaoti nakoina bwa e riai ni kaota nakoira tamnein te Ekaretia. E a kaota te tamnei, are bon taekan maiun lesu Kristo ao taian kakai are E karoai.

Ngkai I iangoa taekan te birim n te tairiki anne, I namakina te bwai ae kaokoro. N te tai ae karina I nooria bwa I namakina te Tamnei, n ae rangin korakora nakon are I karekea mai imwaaina. N te tai ae waekoa I baireia bwa I kan karoao te bitaki inanon maiu n riki n ai aron te Tia Kamaiu, ao I noora te taneiai n te Reirei n Tabati n te bong anne e a tia ni kakorakora au onimaki. I kakaitau ibukin au tia reirei n te Reirei n Tabati ao bwaai ni kabane ake e karoai ibukin ara kiraati ni katoa wiiki.



# Te Reirei ni Kakawari— te Katabeaki ae Tabu

Tataro mwaaka ni kamatebwaiā te bwai n reirei aei, n arona ae riai, maroroakinna ma aine ake ko kawariaa. Kabonganai titiraki bwa a na buokiko ni kakorakoraia aine ao ni karaaoa te Bootaki n Aine bwa iteran maium ae kakawaki.

Onimaki, Utu, Buoka

**N**aroia taan reirei ni kakawari, iai nara mition n te maiu n tamnei ae ti na kakoroa bukina. “Te bitiobi, are te tia kawakin tiibu ae katabuaki n te uoote, e aki kona n tararuaia ana tiibu te Uea n te tai ae ti teuana. E onimakinia taan reirei ni kakawari aika a kairaki ni buokia.”<sup>1</sup> Ukoukoran ao karekean te kaotioti n aron are e baireaki bwa antai ae e na katabeaki iai n tararuia titita n tatabemaniia nako ngkai a boni kakawaki.

Karekean te kairi mai karawa e moa mai irouia kaain te Beretitentii n te Bootaki n Aine a tataro ni maroroakin kainano irouia aine ma aia utu. Imwiina, n ana kariaia te bitiobi, te Beretitentii n te Bootaki n Aine a anga te katabeaki ni buokii titita ni kamataata bwa te reirei ni kakawari bon te beku ae moan te kakawaki.<sup>2</sup>

Taan reirei ni kakawari ana riai ni kinaia ao n tangiria raoia n aine, buokii bwa e na kakorakora ana onimaki, ao n anga te ibuobuoki ngkana e kainanoaki. A ukerii kai-riiri mai karawa n te aro bwa a na atai kainanon rabwataia ma tmneia tariia ake a kawariaa.<sup>3</sup>

“Te reirei ni kakawari e riki bwa Ana mwakuri te Uea n te tai are nanora a bane irouia aomata ma tiaki taian betienti. Ni koauana, te reirei ni kakawari bon akea tokina. E moanibwai moa bwa te maeu nakon ae te mwakuri.”<sup>4</sup>

## Man Booki Aika Tabu

Mataio 22:36–40; Ioane 13:34–35;  
Aramwa 37:6–7

## Man Ara Rongorongo ni Kawai

Eliza R. Snow, ngaia te kauoman ni Beretitenti n te Bootaki n Aine e reirei, “I tangira te nakoa ae te tia reirei bwa e na rietaata ao man tabu.” E reirei nakoa taan reirei ni kakawari “n te aro bwa ko na kaonaki n Tamnein te Atua, n te wanawana, man nanorinano, man tangira” imwaain are e kawari auti n te aro bwa e aonga ni kona ni karekei kainano ibukin te tamnei ao te rabwata. E taku, “Ko na bon kona n namakinna bwa ko na taekinii taeka aika rau ao ni karuanano, ao ngkana ko ataia bwa tarim anne e namakinna bwa e rootaki, butimwaia nako nanom ao karaua [nanona].”<sup>5</sup>

Ao ngkai ti waakinako n ai aroia are a karaoia kaain te Bootaki n Aine ake ngko, e na reke iroura te Tamnei ae Raoiroi ao ti na kairaki bwa ti na kanga ni buokii tarira ake ti kawaria. “Waaki [ngaira] ukoukora te wanawana man te korakora,” e taku tarira ae Snow, “ao [ti] na karekeea te korakora [ti] na kamwakura te wanawana.”<sup>6</sup>

## BWAII AIKA A NA TARAAKI

1. Julie B. Beck, “Te Bootaki n Aine: Te Mwakuri ae Tabu,” *Riaona*, Nobembwa. 2009, 114.
2. Taraa Aeniboki 2: *Babairean aron Kairan te Ekaretia* (2010), 9.5; 9.5.2.
3. (Taraa Aeniboki 2, 9.5.1.)
4. Julie B. Beck, *Liahona*, Nobembwa. 2009, 114.
5. Eliza R. Snow, in *Daughters in My Kingdom: The History and Work of Relief Society* (2011), 108.
6. Eliza R. Snow, in *Daughters in My Kingdom*, 45–46.

## Tera ae I Kona ni Karaopia?

- 1.** N na kanga ni karikirakea au konabwai ni karaoa au beku ae kakawaki ngkai ngai te tia reirei ni kakawari?
- 2.** Ngkai te tia reirei ni kakawari, n na kanga ni buokii taru bwa a na karaoa aia beku ae taan reirei ni kakawari?

Ibukin rongorongona riki tabeua, nakon [reliefsociety.lds.org](http://reliefsociety.lds.org).